



30.05.2019



ПУЛ яхши нарсаю уни топиш ҳарна мушкулроқ-да. Пешона тер керак, ақл керак, фаросат керак. Мана шулар билан билакни шимариб, ишга киришилса, албатта, фойда бўлади. Аммо орамизда пул топишнинг бундай йўлини “оғир” билиб, қинғирликка қўл ураётганлар ҳам кўп учраб турибди.

Гулиасал “Пушкин” метро бекатигача “қочиб келди”. Шу бекатга иниб, киссавур шериги Фуломнинг йўлини пойлади. Ичига ғулғула оралади. Кўп кутди. Ўзича ишнинг миси чиққанини тусмол қилган бўлди. Устига шериги Фуломдан дарак бўлмади. Гулиасал чўчинди. Қинғирлиги фош бўлиши оқибатида ўзининг балога қолишини ўйлаб, тўрвасини ковлай бошлади. Қўрқапаса тўрвадан қўл телефон чиқарди. Кейин нарироқда турган нозир — ҳуқуқни муҳофаза қилувчи орган ходимининг қаршисига борди:

— Кечирасиз, кимдир телефонини тушириб қолдирибди. Топиб олдим. Ўғирлик қилди, деб ўйламанг. Мана, телефон, балки эгаси чиқиб қолар!..

Нозир ажабсиниб қўл телефонни олди:

— Албатта, текшириб кўрамиз. Сизга катта раҳмат.

Гулиасал бекатда ортиқ туролмади. Қилган ишидан кўнгли бироз тинчланди. Аммо бу палла шериги Фуломнинг аллақачон қўлга тушганидан беҳабар эди. Гулиасалнинг хотиржамлиги узоққа чўзилмади. Уни тезда ҳуқуқни муҳофаза қилувчи орган ходимлари “йўқлади”. Шундагина ўтган воқеалар унинг кўз ўнгидан бир-бир ўтди...

...Куз кунларининг бирида илгаридан тил бириктириб келган Фулом билан Гулиасал “овга” отланди. Улар ишни ерости уловидан бошлашга қарор қилишди. Шу мақсадда “Буюк ипак йўли” метро бекатида пайдо бўлдилар. Кўрсалар, кассада одам гавжум. Биров бировга қиё боқмайди. Улар бу вазиятдан фойдаланиб қолмоқчи бўлишди. Бир четда навбат кутиб турган қизга яқин келган Фулом унинг киссасида қиммат қўл телефон борлигини пайқади. Сездирмасдан қизнинг чўнтагига қўл солди. Одам кўп эди. Қиз ғафлатда қолаёзди. Фулом

Ўзича ишни “хамирдан қил суғиргандек” битирди. Қўл телефонни олиб, қабатида турган кассафуруш шериги Гулиасалга узатди. Аммо шу пайт қиз сергак тортди. Чўнтагидан телефонини “ўғирлашган”ини пайқаб, бақриб қолди. Атрофда турган назоратчилар тезда воқеа жойида ҳозир бўлдилар. Афтидан қиз Ғуломни пайқади. Гулиасал қўрққаниданми, қувлигиданми ўзини йўловчилар орасига уриб, метрога тушди-ю жўнаб кетди...

Ғулом ҳам, Гулиасал ҳам қўлга олинди. Қўл телефон эгасига қайтарилди. Гулиасал зорланди:

— Менга енгиллик беринг. Битта болам бор. Етмаганига касалмандман...

Суд ишни батафсил ўрганди. Киссавурлар ҳам обдон эшитилди. Жиноятга яраша жазо тайин бўлди. Ғулом қилмишига яраша тўрт йил озодликдан маҳрум бўлган бўлса, Гулиасал мўмайгина жарима билан бирга беш йилга озодликдан чекланди.

Ёқутхон ҲАЙДАРОВА,

жиноят ишлари бўйича Мирзо Улуғбек туман суди раиси

307 [Чоп этиш](#) [1] [PDF](#) [2]

Сўнгги янгиликлар:

- [Пармонович пенсияга чиқмоқчи “Пармонов” эса халал бермоқда \(2019 йил, 36 сон\)](#) [3]
- [Судьялар олий мактаби. Мамлакатимиз суд тизимида яна бир тарихий воқеа \(2019 йил, 36 сон\)](#) [4]
- [Уй ҳайвонларига паспорт нимага керак? \(2019 йил, 36 сон\)](#) [5]
- [Коррупция — тараққиётга таҳдид \(2019 йил, 36 сон\)](#) [6]
- [Обуна — 2020 адлия идоралари биз билан! \(2019 йил, 36 сон\)](#) [7]
- [Адлиядан янги ташаббус: энди ҳуқуқий мададга муҳтож бўлмайсиз. Чунки... \(2019 йил, 36 сон\)](#) [8]
- [Дунёга машҳур ёзувчилар аслида ким бўлган? \(2019 йил, 34-35 сон\)](#) [9]
- [Бузилган бино учун компенсация пули тўлаб берилди \(2019 йил, 34-35 сон\)](#) [10]
- [Туғилганлик гувоҳномаси бор фарзандга яна гувоҳнома сўралди \(2019 йил, 34-35 сон\)](#) [11]
- [Тинчлик ва ишонч тўшалган йўллар Ўзбекистонга чорлайди! \(2019 йил, 34-35 сон\)](#) [12]

Source URL: <http://insonvaqonun.uz/?q=runklar/4819>

Ссылки

[1] <http://insonvaqonun.uz/print/4819>

[2] <http://insonvaqonun.uz/printpdf/4819>

[3] <http://insonvaqonun.uz/node/5026>

[4] <http://insonvaqonun.uz/node/5024>

[5] <http://insonvaqonun.uz/node/5023>

[6] <http://insonvaqonun.uz/node/5021>

[7] <http://insonvaqonun.uz/node/5020>

[8] <http://insonvaqonun.uz/node/5019>

[9] <http://insonvaqonun.uz/node/5015>

[10] <http://insonvaqonun.uz/node/5013>

[11] <http://insonvaqonun.uz/node/5012>

[12] <http://insonvaqonun.uz/node/5011>

